

**Ptačk** Frederik (*słyša džěci ptačk, činja woni pip, pip a z rukomaj lětanske pohiby*)

**Ptačk** Frederik lěta wysoko w powětrje. Takle wšitko derje widzi. Sněh je Łužicu z běłym posleščom pokryt. Zwěřjata hłód tradaja, dokelž jenož sej čezko picu pod sněhom namakaja. **Ptačk** Frederik leći husto k Smolicom na dwór. Tam wón přihladuje, kak Lawinja wšědnje zornjatka do **ptačeje** chěžki sypa. **Ptačk** Frederik chce sej swój hłódny brjušk napjelnic a přizemi na ptačej chěžce. Hižo pikoce **ptačk** Frederik. Nimale je **ptačk** Frederik wšě zornjatka sam spikotał. Nadobo so jemu druhi **ptačk** přidruži a jemu fifoli: „Hej **ptačko**, njejsy sam na swěće. Mi chce so tohorunja tych dobrych zornjatkow.“ **Ptačk** Frederik pišpoli „Nó derje, wostaju ći tute zbytnje zornjatka. Daj sej je zesłodžeć!“ Druhi **ptačk** bě přewšo zbožowny.

Zyma njenamaka kónca. Zymne wětřiki duja mokry sněh do mjezwoča a sněh so wšudze syda. Džěci pak so wjesela, sankuja a sněhakuja. **Ptački** pak dyrkotaja, sej přebytk pytaja. Na hałuzach so cyle blisko zesydaja, zo bychu so mjez sobu wohrěwali.

**Ptačk** Frederik pak nikoho nima. Wón njesměrnje zymu mrěje. **Ptačk** Frederik lěta po kraju a so dalších **ptačkow** praša, hač by so pola nich zwohrěwać móhł. **Ptački** pak praja: „Ně, smy nadosć **ptačkow**, pytaj sej druhdze městno.“ Njedaloko Smolic statoka pak słyši **ptačk** Frederik ćikotanje **ptačkow**. **Ptačk** Frederik spóznaje jednoho **ptačka** a so jeho woprašaja: „Luby **ptačko**, maš w twojej **ptačej** swójbje za mnje kusk městna k wohrěwanju?“ „Ach ty to sy, **ptačk** Frederik. Wězo mamy za tebjje městno. Sy mi njedawno zornjatka přewostajił, zo njebych zahłódnił. Njejsy jenož na sebje myslit. Chcu ći rady pomhać.“ **Ptačk** Frederik zalěze sej mjez **ptačkami**. Tam běše tak přijomnje ćoptoh.

Na druhi dzeń lećeše cyła **ptača** swójba k Smolicom. Lawinja je hižo zornjatka do **ptačeje** chěžki zesypała. Tak pikachu **ptački** a sej brjuški napjelnichu.

K **ptačemu** kwasej dóstachu džěci słódnju pjekarsku sroku. Wězo tež Lawinja, dokelž bě so cyłu zymu wo **ptački** lubje starała. Někotre dny pozdžišo tajachu sněhi a lody. Přenje sněhowki kukachu ze zemje. **Ptački** so wjeselachu. Nětko njetrjebachu hižo zymu mrěć a namakachu zaso picu. **Ptačk** Frederik lěta zaso zbožowny po Łužicy.

Blandina Ledźborowa